



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

XXVI. Quomodo fieri debeant citationes.

urn:nbn:de:hbz:466:1-15974

figillum authenticum de facili nequiverit consti-
tuens inuenire.

XXVI.

Tanto calliditatis studio persequuntur alteru-
trum se litigantes, vt in supplantationem alterius,
calcato iustitiæ cultu, alter faciat quidquid possit.
Denique a multis accepimus, quod citatorias lite-
ras impetrantes, eas ad locum, vbi morari dicitur
qui citatur, per tres destinant garriones, quas super
altare loci eiusdem ecclesiæ, vel ibidem in alio loco,
duo ponunt, & tertius rapit statim. Ex quo fit vt
duobus testificantibus postmodum, quod illum ci-
tauerint, iuxta morem sententiæ & regionis con-
suetudinem excommunicatur, vel suspenditur
contumax, qui contumaciæ prorsus, vtpote cita-
tionis, expers erat. Hunc itaque abusum tam de-
testabilem, & alios similes, zelo iustitiæ prosequen-
tes, statuimus vt per impetrantes, vel eorum nun-
tios, in causis ecclesiasticis regni Angliæ, literæ ci-
tatoriæ de cetero non mittantur, sed iudex mode-
ratis sumptibus impetrantis, per suum fidelem nun-
tium eas mittat, qui vocandum diligenter perqui-
rat: quem si reperire non poterit, die dominico,
vel in alio die solenni, in ecclesia loci illius in quo
degere consuevit, dum Missa cantatur, publice le-
gi literas faciat & exponi, vel saltem ad decanum,
in cuius decanatu moratur qui vocandus est, cita-
tio dirigatur, qui a iudice missus fideliter hæc pro-
sequatur per se aut per certos suos nuntios & fide-
les, quodque inde fecerint eidem rescribere iudi-
ci non omittat.